



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-589-8/21**
Datum: **03.03.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica OR Klaonica Džaferović, Kalesija za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice sitne i krupne stoke sa pratećim objektima, izgrađene u ulici Halisijska bb općina Kalesija, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu OR Klaonica Džaferović, Kalesija, daje se vodna dozvola za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice sitne i krupne stoke sa pratećim objektima, izgrađene u ulici Halisijska bb općina Kalesija, na zemljištu označenom kao k.č. broj: 350/36 K.O. Kalesija Grad.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu i u skladu sa priloženim dinamičkim planom, pod slijedećim uslovima:
 - 3.1. Da pravno lice OR Klaonica Džaferović, Kalesija, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja stoke, pranjem opreme, uređaja i alata, te pranjem podova i radnih površina objekata na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje septičke jame- bazena za zbrinjavanje tehnoloških otpadnih voda, te odvoz i konačno zbrinjavanje istih, kao i ostalog otpada sa lokacije predmetne klaonice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.3. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.4. Otpad koji nastaje u postupku rada klaonice sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.5. Da se privremeno i konačno zbrinjavanje otpada i nusprodukata koji nastaju u postupku rada klaonice, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - 3.6. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
 - 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.8. Da se kod pranja koriste sredstva koja su prikladna okolinskim zahtjevima.

- 3.9. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.12. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice OR Klaonica Džaferović, Kalesija, zahtjevom zaprimljenim 09.12.2021 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice sitne i krupne stoke sa pratećim objektima, izgrađene u ulici Halisijska bb općina Kalesija, na zemljištu označenom kao k.č. broj: 350/36 K.O. Kalesija Grad.

U provedenom postupku dostavljena je i pregledana sljedeća dokumentacija:

A. Opšta dokumentacija

- Punomoć za Džaferović Hadžu iz Kalesije.
- Uvjerenje o poreznoj registraciji izdato 18.07.2011.godine, od strane Porezne uprave – Kantonalni ured Tuzla -kopija,
- Ovjerena kopija uvjerenja o poreskoj registraciji, broj: 04/1-17-1-35-503-2/11 od 14.09.2011. godine, izdato od strane Uprave za indirektno- oporezivanje Banja Luka,
- Kopija uplatnice administrativne takse i biljega,

- Rješenje o odobrenju za obavljanje djelatnosti broj: 04/1-18-20-007491-4/21 od 29.03.2021 godine izdato od strane Ministarstva poljoprivrede, šumarstva i vodoprivrede Tuzlanskog kantona,
 - Rješenje broj: 02/1-1-21-1909 od 17.05.2011 godine izdato od strane Službe za poduzetništvo i budžet, Općina Kalesija,
 - Opis načina snabdijevanja pitkom i sanitarnom vodom te načinu odlaganja otpadnih voda,
 - Zaključak broj : 02/2-2-30-936 od 27.09.2004 godine izdat od strane Službe za urbanizam, geodetske i imovinsko-pravne poslove i infrastrukturu, Općina Kalesija,
 - Ugovor o zakupu predmetne klaonice broj: 01/20 od 20.12.2020 godine zaključen između ZZ "Voćar Kalesija i OR Klaonica Džaferović,
 - Kopija katastarskog plana broj plana 10 broj: 02/2-2-26-1636/2021-1 od 15.03.2021 godine izdat od strane Službe za prostorno uređenje, geodeske i imovinsko-pravne poslove, Općina Kalesija,
 - Uvjerenje o posjedovanju dozvola za predmetnu klaonicu broj: 02/2-1-19-2-2470 od 03.12.2021 godine izdato od strane Službe za prostorno uređenje, geodeske i imovinsko-pravne poslove, Općina Kalesija,
 - Izvještaj o monitoringu kvaliteta i kvantiteta otpadnih voda urađen od strane „TQM“ d.o.o. Lukavac, februar 2022 godine,
 - Potvrda broj: 7-12-220/21 od 30.11.2021 godine od strane KP "KOMUNALAC" d.d. Kalesija,
 - Ugovor od 13.12.2004 godine zaključen između ZZ „Voćar“ Kalesija i ddVIK „Srebrenik“ Srebrenik.
 - Ugovor o čišćenju septičke jame broj 718 od 28.02.2022 godine zaključen sa AD „VODOVOD I KOMUNALIJE“ Zvornik, Karakaj.
- B. Tehnička dokumentacija
- Projekat izvedenog stanjea prikupljanja, tretmana i odvodnje otpadnih voda iz postojećeg poslovnog objekta-klaonice u ulici Halisijska bb općina Kalesija urađen od strane „TQM“ d.o.o. Lukavac, februar 2022 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-589-6/21 od 11.02.2022. godine.

Uvidom u dostavljenu dokumentaciju, izvršenim uviđajem na licu mjesta i priloženim dinamičkim planom može se konstatovati sljedeće:

Lokacija poslovnog objekta-klaonice sitne i krupne stoke sa pratećim sadržajima (depo za privremeni smještaj stoke, manipulativne površine i dr.), pravnog lica OR Klaonica Džaferović, Kalesija, nalazi se u ulici Halisijska bb općina Kalesija, na zemljištu označenom kao k.č. broj: 350/36 K.O. Kalesija Grad.

Podosilac zahtjeva predmetnu aktivnost obavlja u iznajmljenom objektu a prema sklaopljenom Ugovoru o zakupu broj: 01/20 od 20.12.2020 godine zaključen između ZZ "Voćar Kalesija i OR Klaonica Džaferović.

Na predmetnoj lokaciji se nalaze cjeline i to: depo za prihvatanje stoke prije klanja (štala), objekat klaonice (prostor za klanje stoke, priprema i narezivanje mesa, rashladne komore, prostor za odlaganje iznutrica, prostor za odlaganje konfiskata, kontejner za privremeno skladištenje kože, bazen bez preliva za tehnološke otpadne vode i drugi prateći sadržaji vezani za djelatnost klaonice i pogona za preradu mesa i mesnih prerađevina. Kapacitet klaonice je maksimalno 6 grla/dan krupne stoke (6 govoda/junadi, 10 teladi, 20 ovaca ili 2 jelena iz uzgoja).

U predmetnom poslovno-proizvodnom objektu se vršiti klanje krupne i sitne stoke, hlađenje, rasijecanje i pakiranje mesa.

Snabdijevanje vodom za potrebe klaonice se vrši priključkom na gradski vodovodni sistem.

Otpadne vode, pranja ambalaže-gajbica, platoa za prijem stoke, manipulativnih površina i slično se trenutno upuštaju u septičku jamu sa tehnološkim otpadnim vodama. Ne vrši se odvajanje krvi prilikom iskrvavljenja.

Stajnjak se redovno sakuplja iz štale u kojoj se privremeno drži stoka do postupka klanja, odlaže u betonskoj dubrenki bez ispusta a potom se odvozi i koristi za podubravanje poljoprivrednih površina.

Kože se privremeno skladište na predmetnoj lokaciji u kontejneru te predaju ovlaštenoj firmi (kožarama).

Tehnološke otpadne vode poslovno-proizvodnog objekta-klaonice nastaju spiranjem površina unutar objekta i pranjem opreme koja se koristi u postupku klanja. Ove vode se zajedno sa vodama od iskrvarenja životinja prikupljaju putem slivnika sa rešetkom unutar objekta a potom cijevima odvođe do bazena bez prelića za tehnološke otpadne vode koji se povremeno prazni od strane ovlaštene firme za ovu vrstu djelatnosti.

Sanitarne otpadne vode se ispuštaju u kanalizacioni sistem.

Izveštaj rezultata ispitivanja kvaliteta tehnoloških otpadnih voda, urađen od strane „TQM“ d.o.o. Lukavac, februar 2022 godine, ukazuju da parametri kvaliteta otpadnih voda su u skladu sa graničnim vrijednostima definisanim Uredbom o uslovima ispušćanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u dispozitivu ovog Rješenja, propisani uslovi u skladu sa odredbama Zakona o vodama, odredbama Uredbe o uslovima ispušćanja otpadnih voda u okoliš i sisteme javne kanalizacije i odredbama Pravilnika o sadržaju, obliku, uvjetima i načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, OR Klaonica Džaferović, Kalesija, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris/Ališehović, dipl.inž.građ.

Dostaviti:

- OR Klaonica Džaferović, Kalesija, Halisijska bb., Kalesija (Prilog-tehnička dokumentacija pod tačkom B obrazloženja ovog Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo